

水經注正誤

地 1104  
375-6  
部=1012



己未仲夏

水經注正誤

吳慶坻題



南	劉	求	齋
林	氏	恕	刊



水經注正誤舉例序

古者職志方輿胥從簡略惟酈氏水經注分條析縷引委求源千載以來士林崇尚顧文字繁濫失實遂滋援古證今動虞柄鑿於是或尊同墳典取備一家或采掇腴詞聊充千腋其篤嗜者就文箋義不問地形偶辨譌淆仍囿科臼有功前哲無補新知讀未終篇神迷目眩金人蔡正甫撰補正水經三卷久已失傳吾郡沈繹旃炳異有集釋訂訛之作郡縣沿革悉注今名歲月絲襪竟亡舊槩常熟黃子鴻儀江甯汪梅村士鐸宜都楊惺吾守敬先後撰水經注圖黃作失傳汪氏以考證班志

水經注正誤舉例序

一求恕齋

爲主附訂正酈注祇十二條楊圖則古墨今硃複印一紙恪遵師說罔敢稍違是固近代鴻篇而猶依傍步趨罕抒心得者也仁和丁益甫先生實事求是年老益劬曩讀所著蓬萊軒輿地叢書創解殊多久深嚮往近又得其水經注正誤舉例五卷依可恃之山谿去陳言之影響析衷宜確攻訐無嫌武斷見疑苦心可諒試就酈氏原文探索實有牴牾難通乖於地勢之處今前後互易便合真形俾讀者知若者可疑若者可信若者爲後人竄入稽古弗泥治絲不紛淵奧之書豁然開朗爲鄭氏諍臣卽爲酈氏知己矣惜全書未竟圖繪闕如然所



糾繩如漸江穀水諸節之顛倒及温存浪潭八水之輻  
輳爬梳抉剔異義特標會稽童亦韓大令慇懃付梓因  
爲審正斂誤壽之棗梨閒有可商者方將折簡詳詢而  
先生修文遽赴無由析疑當世輿地家誠欲殫見洽聞  
甄名核實則此書別樹一幟力埽訛談正可互證是非  
藉窺涯涘百川纏絡一覽瞭然未始非初學津梁宿儒  
攷錯之具也庚申花朝吳興劉承幹序



小引

水經注一書地學家與班志並尊視同聖經賢傳不敢稍參私議今儼然爲之正誤知見者必謂爲狂嚙無疑竊思地理者徵實之學水與山之位置皆造物者豫爲排定豈人力所能意爲更張此書注釋校箋自明後已三十餘家碩彥鴻儒均畢生盡力於此所不解者諸公矻矻類於故紙中講求水道絕不於實地上探尋水道以故作者愈眾謬戾愈多余每取其書與輿圖合讀輒瞢然如墮雲霧思欲仿董方立殘藁遺意以今地爲主證明而疏通之凡遇顛倒錯雜諸條不得不謂之誤非

水經注正誤舉例小引

一 求知齋

故意訐擊也惟卷帙繁重又迫桑榆晚景詎敢必其有成故握筆而中止者屢矣茲始決然爲之余浙人也特草漸江篇以啟其端姑盡其力所能爲卽弗成後人可推其意以爲賡續因目爲舉例云至說之當否仍俟海內地學家之論定焉乙卯孟夏七十三老人丁謙識



水經注正誤舉例卷一

求恕齋叢書

仁和丁謙纂述

吳興劉承幹參校

漸江水

漸江水出三天子都北過餘杭東入於海此段水經原文

三天子都見於山海經及郭璞注者凡三一為浙江

所出一為廬江所出一則混言南海之內今安徽績

谿縣東南有大鄣山當即水經所指郭注作三天子

縣東太平寰宇記作大鄣山績谿正在歙縣東浙水出處若廬江遠在彭澤

西又一三天子都不詳所在均與浙江無涉明甚然

水經注正誤舉例卷一

一求恕齋

績谿處餘杭正西當云東過不當云北過必如顧野

王之說謂今永康晉雲山是三天子都方向始合且

凡記諸大水例必取最遠之一支為正源然後敘述

全水貫串無忤浙江之水大源有四三在南一在北

流行道里不甚相懸於中擇其較遠者自當以仙霞

嶺水為正源況浙江大段皆由南而北後乃迤東以

入海如是水自閩界北行經江山北與北來之馬金

嶺水合遂名穀水乃折東行歷龍游湯谿縣北至蘭

谿縣境與東來之婺水合又折而北至建德縣境方

與新安江水合茲以新安江為正源已非順序之義



而績谿之水較之休寧婺源兩界所出之率水來源  
之長短亦異酈注本漢地志主率水總之水經記漸  
不取三天子都說以此江水僅此三語三語中又不倫不類惟有存而弗論  
而已

酈善長注云山海經謂之浙江地理志水出丹陽黟縣  
南蠻夷中北逕其縣南浙江又北歷黟山

此水出今休寧西南界率山名曰率水北流轉東經  
休寧縣南蓋休祁等縣當時皆黟縣境也因水源出  
處漢時皆爲山越所據不知其名故地理志僅混稱  
蠻夷中

水經注正誤舉例卷一

二 求恕齋

浙江又北逕歙縣東與一小谿合水出縣東北翁山西  
逕故城南又西南入浙江

歙東小谿卽三天子都所出水翁山卽大鄣山此谿  
今名登水所謂故城當在臨谿鎮地故又西南入浙  
江

又東逕遂安縣南當作始新谿廣二百步上立杭以相通浙

江又左合絕谿谿水出始新縣西始新當作新定東逕縣故城  
南爲東西長谿谿有四十七瀨谿水東注浙江

按新安江自入浙境但經淳安縣南不經遂安縣考  
淳安地三國吳時置始新縣并於縣置新都郡晉初



改新安郡絕谿卽武強谿出遂安縣西界東流迤北  
經遂安城又東北入新安江所謂東西長谿也遂安  
吳時置新定縣晉初改遂安

浙江又東北逕建德縣南穀水入焉水源西出太末縣  
其水飛湍北注至縣南門入穀水

按原文自逕建德縣南以下顛倒錯亂全無次序茲  
據目前水道細爲理董方有支派可尋穀水今衢州  
港源出閩界之仙霞山北流經江山縣至西安縣西  
入衢港當時皆太末地也其水飛湍北注兩句原在  
永康谿水下攷永康縣西南雖有北注之水但所入

水經注正誤舉例卷一

三求恕齋

非穀亦不在南門且不應舍浙江正源敘茲小谿之  
理故移置於此惟南門門字或是衍文

穀水又東定陽谿水注之水上承信安之蘇姥布水懸  
百餘丈瀨勢飛注狀如瀑布其水分納眾流混波東逝  
逕定陽縣谿水又東入於穀水

定陽谿水卽西安縣南之烏谿漢末於西安地置定  
陽縣故曰定陽谿水在江山東北與衢港合信安今  
常山縣衢港上承之水出開化縣北馬金嶺當時亦  
信安境此水南流經開化常山折東以入西安

谿水當作穀水又東逕長山縣北與永康谿水合谿水南出



永康縣逕長山縣南與吳寧谿水合水出吳寧縣下逕  
烏傷縣謂之烏傷谿水谿水又西原作穀水逕烏傷縣  
之黃雲山入穀水

晉長山卽今金華縣金華谿水今稱婺江是時尚無  
婺州之名當以吳寧谿代表婺江以水源較永康谿  
長也吳寧卽東陽縣水出縣東與嵯縣交界之白峰  
嶺西流經義烏古曰烏傷縣又西至金華縣南與永  
康谿合水南出縉雲境北流迤東經永康武義二縣  
合東陽谿爲婺江又西北至蘭谿縣南大雲山卽黃  
雲山  
蘭谿古  
烏傷地入於穀水○按穀水東流婺江西注穀水無

水經注正誤舉例卷一

四求恕齋

東入婺境之理而婺境水亦不得通稱穀水原文多  
誤

穀水又東

當作

入錢唐

當作

建德縣而左入浙江

穀水東至蘭谿合婺江後卽折而北與新安江會自  
是更無穀水名稱則錢唐爲建德之誤毫無疑義

浙江又東逕壽昌

當作

桐廬縣南自建德至此八十里中有

十二瀨瀨皆峻險行旅所難

此段敘七里瀨故有峻險之十二瀨其地正在建德  
之北桐廬之南與壽昌無涉蓋壽昌僻在建德西南  
但有山谿非大江所能經也



浙江又北逕新城縣亦當作桐廬桐谿水注之水出吳興郡

於潛縣北天目山南流逕縣西爲縣西谿谿水又東南

與紫谿合水出百丈山東南逕桐廬縣爲桐谿入浙江

按桐谿水由桐廬入江並不經新城縣攷桐廬於孫

吳時分富春之桐谿鄉置縣與新城無涉不知何以

致誤天目山有二均在於潛縣境此水係出西天目

山西谿今日虞谿紫谿所出百丈山在今昌化縣西

北桐谿又東南經今分水縣以入桐廬此不言者分

水唐置當時俱隸桐廬也入浙江三字原文在後逕

新城縣下係誤今刪彼移此

水經注正誤舉例卷一

五求恕齋

桐谿當作浙江又東北逕新城縣

按桐谿已於桐廬城東入江此處不得更有桐谿豈

因桐谿入江後有桐江之名以是致誤耶然新城縣

下當補一南字蓋浙江第經其南界非縣城也

浙江又東北入富陽縣南浙江又東北逕亭山西又逕

永興縣南又東合浦陽江江水導源烏傷縣又東逕諸

暨縣與洩谿合谿廣數丈中道有兩高山夾谿造雲壁

立凡有五洩下洩懸三十餘丈廣十丈中三洩不可得

至登他山遠望乃得見之懸百餘丈水勢高急聲震水

外上洩懸二百餘丈望若雲垂此是瀑布土人號爲洩



也江水又東逕諸暨縣北夾水多浦浦中有大湖春夏多水秋冬淺涸

亭山在富陽南稍東與縣城隔江相望永興今蕭山縣浦陽江出今浦江縣西井劍山攷浦江地古爲烏傷諸暨二縣所分轄水源出處爲烏傷境江東流經浦江城又迤東北經諸暨城分爲二派一曰下東江一曰下西江均東北流五洩谿出富陽南界長春嶺南流入諸暨境其水行伏虎山向天嶺中間屢過峻峽故多成瀑布又南經五洩山寺迤而東流至諸暨城北原作南誤與下西江合下東下西二江分行約五十

水經注正誤舉例卷一

六 求恕齋

餘里而合故曰夾水近夾水有大湖三一白塔湖一東泌湖一西泌湖水皆不甚深居民蒔稻其中稱爲湖田遇歲亢旱則倍收浦陽江又北至蕭山南境迤西北流經臨浦義橋二鎮入浙江。按此段原文脫佚浦陽江下游由永興南境入江之語適剡江水文亦缺首段昧者遂合而爲一并改剡江字爲浦陽以滅其跡剡縣江原作何江已不可攷竟致貽誤千古不知剡與諸暨中間均隔大山卽禹陵正脈二縣之水萬無可以通流之理何注校紛紛並無一人實地攷察以糾正之

浙江又東北流至錢唐縣浙江北合詔息湖浙江又逕



固陵城北浙江又東注於海

按浙江正流文盡於此其後所稱浙江皆浙西浙東之旁支也慎弗一例視之詔息湖不知所在觀江水北合之文似指錢唐縣南江流曲處是處水面最爲寬廣有類大湖故秦皇不敢竟渡下詔憩息焉固陵卽西陵今蕭山縣西興鎮城門尙存俗稱鐵陵關

浙江逕餘杭縣左合餘杭大谿浙江又東逕餘杭故縣南新縣北浙江又東逕靈隱山山下有錢唐故縣縣南江側有明聖湖縣有武林山武林山水所出縣東有定已一作等山皆西似當臨浙江水流於二山之閒江川

水經注正誤舉例卷一

七 求恕齋

急濬兼濤水晝夜再來來應時刻浙江又東合臨平湖浙江又東逕禦兒鄉浙江又東逕柴辟南浙江又東逕祖塘謂之祖瀆

按此段除西臨浙江句是浙江本流其餘所謂浙江皆指浙西諸水諸水雖有上流或下游與浙江相通然各有本名乃推互受通稱之例冠以浙江名稱眉目混淆誤盡來學誠鄙亭之僻見歟如逕餘杭縣左之浙江實南苕谿水出於潛縣北東天目山東南流經臨安縣以入餘杭此不及者上有缺文也餘杭大谿蓋總指縣南諸水據餘杭志舊縣城在苕谿南東



漢熹平二年徙谿北後復舊宋雍熙初再徙谿北以迄於今按新舊縣城址相接近惟中隔苕谿一水酈氏當復治谿南時故指漢末所徙爲故縣耳靈隱山今北高峰錢唐故縣在留下鎮地時杭州城猶未建也明聖湖卽西湖武林山或云卽餘杭南境稽留山武林水則指西谿無疑趙注謂西湖非是定山在錢唐縣南四十里包山今日浮山在定山稍北當時江水由漁山鎮地折而北流故水經二山之間後以沙漲遂距江遠臨平湖在杭城北臨平鎮西此云浙江東合者指今上塘河由此北流又有下塘河自閘口分錢江

水入城北經石門縣以至嘉興爲古禦兒鄉柴辟越絕書作辟塞其地當在平湖塘北蓋春秋吳越二國沿此塘河爲戰守界也柎塘似指今乍浦海塘聞昔時浙西之水可由此入江故又稱柎瀆越絕書言吳從由拳卽嘉興辟塞渡會稽溱山陰又孫策由柎瀆渡江破固陵皆此道也明地志注平湖之水由澈浦乍浦蘆漚浦三口入海可證又按自酈注有浙江逕餘杭縣左之文後儒遂謂古時浙江實至餘杭縣地余攷浙江西岸由富陽達杭州今城皆有山嶺隔之江水萬不能至餘杭而酈氏言此蓋泥讀水經漸江水北過餘杭句故也不知水



經之敘漸江止三語其曰餘杭不過標舉地望非拘執餘杭一縣地酈注既將流經餘杭之水稱爲浙江因推及他水並舉浙西東諸水一概稱爲浙江試思浙江縱能西至餘杭豈能又分一派東及越境耶余窺破此點始知酈注之言僅爲互受通稱之例所誤非眞認浙西東諸水均爲浙江正流也特揭而出之庶幾千載疑雲一時盡掃

有西陵湖亦謂之西城湖湖西有湖城山東有夏架山湖水上通浦陽江下注浙江又逕永興縣北又逕會稽山陰縣名曰東江行旅所從以出浙江也

水經注正誤舉例卷一

九求恕齋

此段敘今蕭山縣水西陵卽固陵已見前因湖近西陵卽以城名名之今所稱湘湖是也湖城山在下湘湖西今日越王城山湖之亦名西城以此夏架山今日大湖山在湖東南上湘湖西南有一港經義橋鎮本與浦陽江相通湖水出此卽隨浦陽江北注浙江後因浦陽江水漲每灌入湖中爲下游三縣害故居民築壩以堵截之使湖水東行經蕭山縣北又東北至錢清鎮入山陰境曰會稽山陰者猶言會稽郡所治之山陰縣也會稽秦郡本治吳縣至後漢乃徙治山陰又上湘湖南分出一水東流經錢清又經安昌



下方橋等市趨三江開口皆名西小江其由錢清東南至郡城直抵曹娥壩則爲東江凡台寧各地之行旅均從此道赴西興以渡浙江也

浙江又東北得長湖口湖廣五里東西百三十里沿湖開水門六十九所下溉田萬頃北瀉長江湖南有覆斗山周五百里北連鼓吹山山西枕長谿谿下注長湖湖水自東亦注江通海浙江又東與蘭谿合浙江又逕越王允常冢北浙江又東北逕種山西浙江又北逕山陰縣西

此段敘今山陰縣水長湖者鑑湖也今自常禧門俗稱

水經注正誤舉例卷一

十求恕齋

偏西跨湖橋港迤西北行經柯橋鎮北至錢清鎮七

十餘里皆鑑湖故道今仍稱鑑湖惟僅如尋常一河湖形

已失攷其北自青電湖西北別有一河相夾而行亦

抵錢清意古時兩河中間並皆湖面恰與此書湖廣

五里脗合後以湖水淤淺居民圖利分占爲田第於

湖之外邊留二河以爲界至自東迄西原有百三十

里視今水長幾及半但遺跡已不可見矣宋史忠義傳劉韜知

越州鑑湖爲民侵耕官因收其租歲二萬斛云此北宋末廢鑑湖爲田之證長湖之口當

卽在錢清地北瀉長江謂湖水北注運河覆斗山今

曰覆釜嶺按釜越俗稱鑊斗與鑊同音爲會稽山正脊山脈起東



陽縣南大盆山連峰北行爲東陽新昌諸暨嵊縣山  
陰會稽六縣大分水界支峰難以勝數故云周五百  
里非僅指一山也鼓吹山在香鑪峰西南康熙紹興  
志作長湖山當作長谿以山下卽長谿發源處今日棲巖  
港本書注秦望山在覆釜嶺西賀臺在鼓吹山西嵯  
峴當指駐日嶺山脈無餘古城當在今諸暨東北境  
湖水自東注江通海謂鑑湖東注運河出三江閘以  
入海蘭谿卽婁公河源出大慶嶺西流轉北過晉時  
蘭亭迤東北經婁公埠至城西  
跨湖橋入越王允常冢在婁公埠東南木客山種山  
卽城內卧龍山此二浙江均指蘭亭谿

水經注正誤舉例卷一

十一 求恕齋

又有會稽山古防山也山海經曰夕一作勺水出焉南當作

北流注於溟一作湖北臨大湖水深不測傳與海通東帶

若耶谿谿水上承嵯峴麻谿谿之下孤潭周數畝甚清

深麻潭下注若耶谿谿水下注大湖湖水上承妖皋谿

下注浙江耶谿之東有寒谿谿之北有鄭公泉泉方數

丈冬溫夏涼

此段敘今會稽縣水會稽山乃禹陵以南諸山總名  
非一山專名故至今無稱某山爲會稽山者上段覆  
斗山下云周五百里當移於此方協山海經夕水卽  
若耶谿無疑惟水實北流作南者誤溟似湖名故一



本作湖殆卽今桶盤湖大湖者秧獠湖也湖周十五里面積二十五里東帶若耶谿謂山之東非指湖東若耶谿今稱平水港源出茅園嶺卽所云嵯峴麻谿東北流經雲門寺至平水鎮又北至莊前村有潭水在其左卽此孤潭俗稱西湖以處麻谿旁故又曰麻潭耶谿直北流過郡城東至桶盤湖又西北匯爲秧獠湖湖水上承二句原在西陵湖後然其上既有上通浦陽江下注浙江語不應有此複沓文法今移秧獠湖下見湖西別有上承之水不盡出耶谿也妖皋谿當指瓜子湖水寒谿爲小舜江之一源水出處正

在若耶谿東其水東經湯浦市合小舜江又東北入上虞江鄭公泉據府志泉出石鑿上爲行路非山僧野叟不知其處又原注會稽山下有禹廟及禹穴今故存在始皇紀功處在秦望山西南曰刻石山射的山在城南十五里與白鶴山連其北石帆山今日吼山

江水又東南

當作北

逕剡縣與白石山水會山上有瀑布

懸水三十丈下注剡江

原作浦陽江誤

剡江

原誤浦陽水

又東流南

屈又東迴北轉逕剡縣東

此下皆敘今嵯縣江水此水共有大源四剡谿者西源也一名西谿其南有二源一曰錦谿由東陽縣南



經新昌西境入岷至城西南三里許與新昌港會新昌港出東南剡界嶺西北流入岷合錦谿而東北與西谿會稱岷縣江又東折北十五里至浦口市有東南來之黃澤港入之又北至清風嶺折西轉北過三界市入上虞境又北經章家埠市至梁湖壩爲曹娥江又北迤西合三江閘所出水入錢唐江東趨於海此全江之大略也酈注僅及西源又其上有脫文昧者弗察竟移接於浦陽江下并臆改其江名皆曰浦陽致成千古疑案昔謝康樂徙家始興卽今三界市上下地康樂劉宋時人在道元前約百年而所著山

居賦曰近南則會以雙流自注雙流謂剡江及小江並無一字及於浦陽知剡江與浦陽江實無干涉惟此江原文不知何稱謹依康樂賦注定爲剡江江之西源亦出東陽南長龍山逕剡縣者謂入岷縣境也白石山卽今太白山山中有鹿苑寺寺旁懸大瀑布下注成谿東北流折南至前王村與西谿合其後東流南屈東迴北轉形勢亦多相符既抵剡縣由城西而南而東遂與南來二源合

江水翼縣轉注故有東渡西渡東南二渡通臨海並汎單船爲浮航西渡通東陽併二十五船爲橋航江邊有



查浦浦東行二百餘里與句章接界

此段詳紀南浦地形非敘江流也其地至今仍爲臨

海州府卽台東陽孔道惟西南二渡早建石橋近年東渡

亦建石橋水濱地曰浦今縣南境尙有南浦之稱獨

查浦名已湮沒漢句章縣在今慈谿鎮海之閒由剡

東陸行二百餘里恰合

又本書自注云浦裏有六里有五百家並夾浦居列  
門向水甚有良田有青谿餘洪谿大發谿小發谿江  
上有六谿六谿裂漑散入江夾谿上下崩崖若傾東  
有簞山南有黃山與白石三山爲縣之秀峰山下眾

水經注正誤舉例卷一

十四 求恕齋

泉流導湍石激波浮險四注按當時剡縣尙未析置  
新昌南境甚大此六里僅指查浦言五百家夾浦而  
居蓋專指沿城一帶民戶六谿正流卽錦谿與新昌  
港其他四谿皆二水之分支裂漑猶言分漑散入江  
猶言各自入江青谿等名早經更易難以確指崩崖  
若傾如錦谿之龜巖獅子巖新昌港之南巖形均肖  
似簞山在縣東南四十里黃山今日小黃山在新昌  
城西北惟二山實卑小不足與西之白石山並稱秀  
峰當易爲東四明南天姥西太白方合

剡江

原誤

浦陽又東逕石橋江水又北逕嵯山剡江

原誤  
浦陽又



東北逕始寧縣嶠山嶠原作嶠以字形相似而誤嶠讀如癡俗稱嶠太山為縣北之最高峰

之成功嶠嶠北有嶠浦按高氏刻錄引水經注嶠山與嶠山相接

石橋在城東北四里艇湖山下蓋古時江流由城東折北迤東過此石橋始直北行橋即晉王子猷雪夜訪戴安道回舟處也後江改而東此流淤塞僅存澗形今水上仍架小石橋名子猷橋以留名跡嶠山在縣北四十里有谿水從東來由此入江成功嶠為今清風嶺原注謂嶠壁立臨江路峻狹不得併行行者牽木稍進不敢俯視形容極肖惟嶺路今已開鑿寬平無甚險矣云嶠西孤峰特上即嶠山絕頂其時始

寧南界至此故冠以始寧縣字成功嶠在嶠山東麓故又係以嶠山嶠浦在山正北居民於江邊巖上立廟用祀山神巖下有石橋谿水西來入江曰迴谿

剡江原誤浦陽自嶠山東北逕太康湖剡江原誤浦陽又東北逕

始寧縣西縣下有小江源出岷山謂之岷浦逕縣下西流注於浦陽秣山下注此浦浦西通山陰浦而達於江太康湖在嶠山東北今動石谿濱地本無湖以鄰近皆謝氏田業欲資灌溉並點綴風景因就郁樹嶺秀峰山南北夾峙之勢築隄遏水成湖康樂山居賦有數節專敘其事宋書本傳言鑿山濬湖工役無已均



爲確證今雖淤廢谿旁尙有湖村清潭村之名當日  
皆湖也始寧縣漢末分上虞置以三界鎮爲治所屢  
經水患至東晉初移治東北境故江逕其西此小江  
指黑龍潭谿非今之小舜江源出龍堂山卽岫山北流經下  
管市時爲縣治故云縣下秣山賦作休山今爲盤龍  
山東西一帶山脈乃始寧與上虞分界處惟小江旣  
由縣下折而西流則秣山係亘其北非江水所當注  
此亦酈注誤會處秣山冠以浦陽者攷爾雅水北曰  
陽謂山在岫浦以北督儒讀此見有浦陽字意卽江  
名遂將剡江皆改作浦陽江此殆鑄錯之緣起乎西

通山陰浦言隔江浦地皆山陰境時會稽尙未立縣  
也

江水東逕上虞縣南亦謂是水爲上虞江

剡江由始寧境北行至蒿尖山趾折而東流乃至上  
虞縣南蓋唐以前上虞治所在今百官鎮也又酈注  
云縣南有蘭風山山少木多石驛路帶山傍江路邊  
皆作闌干山有三嶺枕帶大江蒼蒼孤危望之若傾  
緣山之路下臨大川皆作飛閣闌干乘之而渡接蘭  
風山卽今蘭芎山其山脈絡分展西出者卽龍頭山  
亦曰龍山蜿蜒直達江岸今百官鎮西南臨水石山



是也別有三嶺皆跨越全山小路西旣枕江東北二  
面皆有谿流環帶故云下臨大川飛閣乘渡者當時  
川上之橋皆覆以屋略如飛閣云

縣之東郭外有漁浦湖右臨白馬潭潭之深無底湖之  
南卽江津也縣東有龍頭山山厓之間有石井冬夏常  
冽清泉南帶長江東連上陂

此段附紀上虞縣東山水非剡江正文漁浦湖卽上  
陂湖俗稱上妃湖攷上虞志湖在夏蓋湖南白馬湖

西拗自東漢周三十五里中有三山

原注弓家山印  
祿山佛跡山

水經謂之上陂云上妃者相傳之訛元末湖爲豪家

水經注正誤舉例卷一

十七 求恕齋

所侵今四望平疇支流如綫矣按此湖面積至三十  
餘里知今運河北牛山泊以西田隴當日皆爲湖地  
不但龍山東界一衣帶水而已而以之證酈注處處  
脗合蓋湖在東郭外一也中有三山二也右臨白馬  
潭三也湖之南卽江津四也乃志則以白馬湖爲漁  
浦湖斯形勢俱舛矣又志載龍頭山崕間有泉清瑩  
如玉曰龍頭山井

上虞江東逕周市而注永興又東北逕永興縣東與浙  
江合浙江又東入於海

此段敘上虞江下游之歸宿也周市當卽崧厦鎮地



今鎮旁尚有周家村蓋江水當時由百官鎮西直向東北行故

經崧厦又東北至蕭山縣東界始入浙江與近世情形不同自明時百官鎮北接築長塘江乃迤西北行至會稽三江閘外又折而東北方合於錢塘江觀上虞志載明崇禎閒江水決隄直注夏蓋湖知是處地形之卑下又崧厦西北厯海所城隸屬會稽知明初湯信國立所時其地尙在西岸也

節錄慈谿張魯生斯桂浙江潮論

浙江潮天下之大觀也原其潮所由起僉云海潮至鰲子門爲龕赭兩山所束遂陡立如山然爲此說者

水經注正誤舉例卷一

十八 求知齋

第見龕赭以內潮之高如是而未見龕赭以外潮之高亦如是也夫兩山對峙潮過其中迅急則有之豈能束之使高哉試觀閩江龍江珠江水口皆有山東何以潮不覺高或曰山小然則寧波之大浹江於鎮海入口北有招寶南有金雞二山均高且對峙不及一里較龕赭之束更緊何以潮仍不高可知浙江之潮無關於龕赭明甚况龕赭以外潮已壁立數仞乎余自咸豐五年奉命督率軍船巡行江海於浙洋尤熟若戶庭至辛酉冬杭州圍急更載糧餉軍火直抵鰲子門審察情形始恍然於浙江海口愈遠而愈寬



如箕之張蓋南屆崎頭北抵南匯相距幾三百里潮  
汛之來先至崎頭歷半時乃及北岸然後合三百之  
水西入浙江岸既進而益狹水自湧而彌高束而入  
於二三十里之中安得不銀濤雪浪層疊如山耶惟  
近年長江之水漸趨而南南匯奉賢海濱多見淤淺  
而浙江沙土皆停於寧紹北界日積月累吾知羊山  
漁山諸島殆將入於陸地而浙江之潮亦因之不起  
無他海門變狹故也此雖臆測亦附錄之以俟後來  
之徵信

按浙潮諸說除神怪不足辨外龕楮之束最爲近似  
觀此可盡破從前之疑而垂爲定論矧今龕楮二山  
均在蕭山沙岸而潮尙如故則其論之確然有徵更  
可見矣